

चोकोट्ना कबूर

नालुगुवा पुस्तक



चोकोट्ना कबूर

नालुगुवा पुस्तक

इदु मुंने वाचि कीम्टु	2
१ उनदि डगूर जेवुन्ता कता	3
२ बहन चर्ना कियाना?	6
३ बेमारिते मत्ता बायि अनि साता पेडि	9
४ सासि मत्तोर लाजरु उनडे जीवते पिसुस्तोर	13
५ दुस्मन सोप्तल आतोरु	19
६ माया इत्तेके	25
७ करल मतमु	28

इदु मुंने वाचि कीम्टु

हिक्के येसुना अनि, वोना सेव्कलीरुन
लासि उनडे कतंग मनतंग।
इव्वु कतंग बय्बिल्तगा मनतंग।
भगवनतल येसुन तर्सो मत्ता काडकि,
वोर वेल्लेने कटिन कामुक कीतोर।
ऊर वेल्ले बेमारिते मत्तेर ऊर कुन चोकोट कीसि,
ऊर कुन भगवनतना लासि बोदा वेहतोर।
वोना बोदा यूदमता नायकुलिरा
बोदन कुन किलाप मत्ता काडकि,
ऊर सम्दिर येसुना सिल्वतगा वाट्सि
जेवि किय्ले सर्कार तुन जुल्मु कीतेर।
बत्ति मूनदु रोजुक आता पेज्जे वोनोर
सेव्कलिर कुन वोना बडुते
लगुते वेल्लेने कटिन कामुक कीसेर,
हर जागा हर नाटे वोन लासि वेहतेर।
येसु वेहतंग कतंग उनडे वेल्लेने मनतंग
अवेकुन तेन पज्जा पुस्ततकम नगा मिरट्टु वाचि कीयवच्चु।

१ उनदि डगूर जेवुन्ता कता

उनदि दिवोसु येसु यूदमता
देवरिना रोन जेवु कियुले सोत्तोर।
जेवुन्ता गोनतगा उच्चि मंवलिर
रोप्पो वोरोर हीन इत्तोर, की,
भगवनतल राजन दातु वानेके वोना
गोनतगा जेवुन किय्ले उच्चि
मंवलिर कुन वेल्लेने कुसि आता।
येसु अद केंचिकुन वोन तसो हीन इत्तोर।



उनदि जोका वोरोर डगूर जेवुन
कियाना इनजेर वेल्लेटिरकुन केय्तोर।
जेवुन तयार आता अदुनेटि वोर तंवेर
गडियलिर कुन केय्सियुवलिर
संगा हीन वेहा इनजेर इत्तोर,
की "सम्दि तयार मनता? जेवुन
कियुले वरटु" इनजेर वेह्तोर।



बत्ति ऊर वायुवक मनजी वेल्ले कारन्क
 वेहचेर जेवुन्तुन सोंवल बनदु आतेरा।
 ऊर्गटल मोदोडूर मय्नल नन्ना इंकेने वावुर येतोन,
 अदेन साटि तान सूडुलेन सोनजेर मनतोन,
 वायुवक मंवल साटि विचार आनतोन इनजेर इत्तोर।
 दुसुरो मय्नल हीन इत्तोर
 की, नन्ना इंकेने दहा कोनदंग येतोन,
 अवेक़ परीक्षा कियुले सूडुले सोनजेर मनतोन।
 नन्ना वाय्वक मंवल साटि विचार
 कीनतोन इनजेर इत्तोर।
 हाने तिसुरा मय्नल गिर नन्ना नेनड
 मर्मिग तुंग्तोन अदेना साटि जेवुन
 कियुले वाय्वक मनतोन इनजेर,
 विचार मनतोन इनजेर इत्तोर।

गडियल मलसि सोनजि अव केनज्तंग
 गोहिंटग सन्दि माल्कन्गा वेहतेरा।
 अव केंचि माल्कल वेल्ले सोडुन वातोर।
 अदु आतु पज्जा, वोर तंवोर गडियलिर

तसों निम्मे वेय्नेने चहर तगा
 सोनजि गरीबु लोकर कुन,
 बोरे केय काल्क सेल्ले ऊर
 कुन गुड्डि गडियलिर कुन,
 पिथिसकुन वरा! इत्तेके सम्दिर वोर
 गडियल तंवा संग्गा वेहतपु कीतोर
 इत्तेके सम्दिर हर गरीब लोकर कुन, तत्तोर।



असुके वोर तंवर माल्कन्गा सोनजि हीन इत्तोर।
 निम्मे वेहतपु वच्चन प्रमान कीतोन बत्ति उनडे जागमनता,
 अदेन साटि वोर माल्कल गडियलिर तसों हीन इत्तोर।
 निम्मे वावटे सोनजि हक्के मंवलिर कुन
 गिर सम्दिर कुन जेवुन तगा पिथिस तरा,
 बारि इत्तेके ना वोरोन साटि इत्तेके
 ऊरा पब्लिक्र करुम सोनजि मनदना,
 बत्ति नन्ना वेहिले केय्तोन ऊर्कुन रोप्पो
 बोरे तयार कीता जेवुन्ता रुच्चि सूड्तेर इनजेर इत्तोर।

२ बहन चर्ना कियाना?

उनदि दिवोसु येसु तंवेर सेव्कलिरूक
बहन चर्ना कियाना इनजेर बोदा कीतोर।
वोर ऊर तसो हीन इत्तोर की, कहि
मयूनलिर लोकुर कुन दिसुसना इनजेर
जोर्ते तम्बंग कामुक कीनतेर मिरटु ऊर दातु मनमटा।



ऊर सम्दिर पब्लिक सूडुलेन चर्ना मनदिर तगा सनदिनगा,
मूलनगा निलसि चर्ना कियुले कुसि मनदनता।
लोकुर ऊरा पोरोल पिचिस
पेरंग-पेरंग गोह्णिंग वेहनतेर,
इनजेरेने वोर चर्नतुन इनजेर ऊर कुन
इत्तेके येसु तंवा सेव्कलिर
कुन तसो वेहचेर मनतोर।




अदेन साटि निम्मे चर्ना कीनेके, नीवा रोन
उनदि कप्रतगा सोनजि कावक केहिच दिसुवक मंवल नीक,
नी बाबल आयुवल भगवनतन्क चर्ना कीमु।
हान कीतेके बोरे दुसुरोर सूडुवक
मत्तेक्तेर नीक सूडुसेर मंवल नी
बाबल भगवनतल नीकुन प्रतिपल सीनतोर।
चर्ना तगा अर्तम सेल्ले गोहिंटग
वेहुमा वेल्ले जेल चर्ना कियुवा।
वेल्ले जेल चर्ना कीतेके भगवनतल केनजनतोर इनजेर,
भगवनतल इनजेर करेमायुवक मंवलिर इनतेर।
मिरटु वेल्ले जेल चर्ना कियुले काम सेल्ले,
बारि इत्तेके, मिरटु पूसि
कियुवक मुंनेने मी भगवनतन टावा।
मीक बतल पहजे यो वोन्क सम्दि टावुक मनदनता इनजेर,
येसु तंवेर सेव्कलिर मुन तसोँ इत्तोर।

उनडे येसु ऊर तसो हीन इत्तोर;
 की "मिरटु चर्ना कियुवल रीति इव आनदुंग -
 "हाबर तगा मनति मा बाबा!
 निम्मेये भगवनतनि आनदि।
 सम्दिर लोकुर नीकुन पूजा
 कीनीर बत्ति निम्मेये पेन आनदि।
 हाबर्तगा नीवा राज्वाडा ताक्सीनतियो हाने
 बोम्मित पोरो गिर ताक सियाना,
 सम्दिर लोकुर कुन नीवा केय्दे राज्वाडा कीसेर मनदना!
 नेनडु पहजे मत्ता अद नेहलि मा कुन सीम,
 मोम्मोटु मा कुन गलिंग कीतेर
 ऊर कुन मोम्मोटु मापि कीनतोमु,
 निम्मे मावंग गलिन मापि कीमु।"
 नी पोरो बरोसते मंवलिर कुन करबुना जागतल
 बच्चि कीमु नीवा दुसुमान मंवलिर कुन
 निम्मे माप कीतेके नीवोर भगवनतल
 नीकुन गिर माप कीनतोर।
 निम्मे दुसुरर कुन माप कीयवक सोत्तेके
 नी वोर भगवनतल गिर नी कुन माप कीयोर।"

३ बेमारिते मत्ता बायि अनि साता पेडि



उनदि दिवोसु येसु बोदा वेहचेर मंनेके,
वोरोर यूदुलिरा अदिकारि वासि, वोन
मुंने मुर टोंग्रांग पोरों निल्लि हीन इत्तोर,
"नावा चुडूर मियाडु इंके साता,
निम्मे वासि तान पोरों नी केय इत्तेके,
अदु पेडि उनडे जीवते तेच्चि पिसनता।"
अदेन कर्ता येसु तेच्चि तंवेर
सेव्कलिर तसों वोन संग्गा सोत्तोर।




येसु सोनजेर मंनेके, उनदि बायि
गिर वोन संग्गा सोनजेर मत्ता।
अद बायि बारा वर्संग बेमारिते मत्ता,
अद बायिन येसुन संग्गा सोनजेर।
तंवा मनदे तनये,
नन्ना वोना पाङ्ङ मातर इट्टुतेके
मात्रम चोकोट आका इनजेर,
इनजि कुन वोन कर्मु वासि वोन
पेज्जेटुक वासि वोना पाङ्ङ इट्टा।

येसु पज्जेमलसि अदु बायिन सूडसि हीन इत्तोर।
"नावा पेडि वेरिमा हिम्मत ने मन
नीकुन भगवनतना पोरो मत्ता
बरोसतेने निम्मे चोकोट आसिमनती!"
अस्केने अदु बायि चोकोट आता।



आक्रि येसु यूदलिरा अदिकारिना रोन सोत्तोर
हक्के वोर पाटा वार्वलिर कुन
बचिलियो मानदितुन सूड्तोरा।
वोरु सम्दिर बय किलिसेर
गल्बला कीसेर मत्तेरा।
अस्के येसु हीन इत्तोर,
"मिरटु बह्नी वरटु
इदु पेडि साय्मकि
इदु नर्मनता।"
हक्के मंवलिर वोना
गोह्तिटन नम्सि बह्नी वातेरा।



अस्के येसु
अदु पेडि मत्ता अदु हरतगा रोप्पो सोनजि
ताना केय्दुन पिय्तोरा।
अस्केने अदु पेडि तेचिकुन उत्ता।
इदु समाचार आजु-बाजु मंवलिर कुन
नार नाटे टावुक आता।

४ सासि मत्तोर लाजरु उनडे जीवते पिसुस्तोर

यूदुया प्रानतमुनगा बेतनिया इंवल नाट रोप्पो,
लाजर इंवल वोरोर मत्तोर।
वोर उनडे बाय्को, तक्का, सेलाड्त तर्सो पिसुसेर मत्तोर।
इदु उनडे उनदि जोका, पेन्दा काल्दुन पोरो जटे मासि,
निय वेडिसि तंवंग केलकुने जर्सि अवेक्र साप कीता।
उनदि दिवोसु लाजर्तुन येडकि पिथिस मत्ता,
अस्के वोना तक्का, सेलाडुन येसु हीन कबूर सारि कीतोर।
"प्रभुवा! नीवा रोन सोप्तल बेमारिते
पट्त्तोर इनजेर कबूर रोह्तोर।"



येसु अद कबूर केंचि हीन इत्तोर;
"लाजर दुक्रे पट्त्तोर, बत्ति वोर सायोर।
मयूनलिर "भगवनतन" शक्तित वोक्डे मायना इनजेर,
वोर मत्तोर। भगवनतनोर मर्रिन डगूर पान कियुले।

वोना सम्दिर कुन टावा आयना इनजेर वोर पट्टोरा।"
येसु लाजर वोना तक्का, सेलाडुन वेल्लेने लाड कीसेर मत्तोरा।

लाजर बेमारिते मनतोर, इनजेर केनजुता पेज्जे,
उनडे रेनड दिवोसुक येसु मत्ता जागतगने मत्तोरा।
तान पज्जा वोर सेव्कलिर तसो हीन इत्तोर,
की "मरटु यूदयनगा उनडे दाकटु दट्टु" इनजेर इत्तोर।

अदेन लासि ऊर हीन इत्तेर, की
"बोदा दारा कम्मि दिवोसुक मुंनेने हक्के मंवलिर
यूदुल्क नीकु बनडने पासि नीक
जक्कन साटि सूड्तेर" सेल्ले,
उनडे हक्केने दायना इनजेर बारि इनती?

अदेन साटि येसु हीन इत्तोर।
"मावोर सोमल लाजर मीनडिस मनतोर,
नन्ना वोन जोपुनगटल तेह्ले दानतोन" इनजेर इत्तोर।

अस्के वोर प्रभुवा वोर जोपुने
नरुम्मि मत्तेके चोकोट आनतोर।
लाजर सातोर इनजेर प्रभुना उद्देशम आनदु।
बत्ति सेव्कलिर मात्रमु जोपुने
नरुम सेर मनतोर इनजेर इत्तेर।

अदेन कर्ता येसु ऊर तसो सम्दि
कुल्ला-कुल्ला हीन इत्तेर की "लाजर सातोर।
हक्के नन्ना अद वक्कतुन सेल्ले
मत्तोन इनजेर कुसि आतोन।

तेन लासि मिरटु ना पोर्रो बरोसा
इरनतिटु वोन्गा दाकटु दाट इनजेर,
येसु इत्तोर। "कवल" इंवल तोहमा
मेय्सि मनतेर वोर सेव्कन तसो हीन इत्तोर।

यूदयन्गा मा कुन गिर जेवुन मनमड मनदर।
 आतेके आयि मरट येसुन तसोँ सोडिकटु,
 येसु बेतनियतगा सोँनेके लाजर
 तुन माति कीसि नालुंग दिवोसुक आता,
 इनजेर येसु केनज्तोर। बेतनिया इंवल
 नार येरु सललेमु नाटुन्क मूनदु
 किलो मिटर्क अच्चोर लंग मनता।
 यूदुल्क वेल्ले लोकुर उनडे मयूनलिर कुन सूडसि,
 वीरोन्क सानती कीसि वड्कसि दायना इनजेर,
 येरूसलेमु नगटल वातेर। येसु वातोर
 तंवा नाटे इनजेर बायि केंचि कुन वोना बेटि
 आयना इनजेर, मुंने सोत्ता।

बत्ति उनडे मरत रोतेकेने मत्ता, बायि
 येसुन तसोँ हीन इत्ता प्रभुवा निम्मे हिक्के
 मनजी मत्तेके नावोर तम्मुर साय्वक"
 मनदूर हान आतेक्तेर निम्मे बाबन
 बतल पूसिकीतेके अदु सीनूर इनजेर नाक टावुक।
 अस्के तान तसोँ वेहतेर अस्के बायि हीन इत्ता।
 "इदु दुनियतगा आक्रि वक्कतुन सातूर ऊर सम्दिर उनडे,
 तेहुवल दिवोसु वीर गिर उनडे तेदनूर" इनजेर इत्तः
 येसु तान तसोँ हीन इत्तोर।
 "सातूर ऊर्क उनडे जीवा सीसिकुन पिसुस्वाना
 नन्ना आनदुनः ना पोरोँ नम्मि मंवलिर
 सातेक्तेर मर्ला पिसनतेर।
 जीवते मंवलिर आयि ना पोरोँ नम्मि
 मत्तेके ऊर बसुकेट सायूर" इनजेर, येसु वेहनतोर।

"इदु निम्मे नम्मनती बतल?" अदेन साटि, बायि,
 हो! प्रभु! निम्मे करल भगवनता नोर मरिनि आनदि।
 इनजेर नन्ना नम्मिस मनतोन। भगवनतल प्रमान कीसि,
 इदु दुनियतुन राकि कियाना इनजेर इत्ता।
 अदु हीन वेह्चि कुन उनडे रोन सोनजि कुन मरिन केयिस,
 बोदा दारल हक्के मनतोर इनजेर वेहता।
 उनडे अदु गोह्चि केंचि येसुन बेटि आयुले
 तेच्चि सोत्ता येसु अजुक उनदि
 बायि बेटि आता अदु जागतेने मनतोर।
 अदु जागा चहर्तुन जर्सि लंग मनता
 उनडे सौंले पेसितेके वोरुन्कु सानती कियुले
 वातेर सम्दिर यूदुल्क गिर सोडितेर।
 अदु उनडे अडुसेर विच्चेर
 वानता इनजेर ऊर सौंच्कीतेर।



बत्ति उनडे येसुन करुम वासि वोन
 मुंने मुर टोंग्रांग कीसि हीन इत्ता,
 "प्रभुवा, निम्मे हिक्के मनजी मत्तेके ना वोर
 तम्मुर साय्वक मनदूरा।"
 उनडे तान तसों वातेर यूदुल्क अडुसेर मत्तेरा।
 अस्के येसु अदु सूडसि तंवा मनदेजूरे मतपु आसि,
 तान पोरो माया कीतोर।
 "वोन बग्गा माति कीतिट्टु?" इनजेर येसु पूसि कीतोर।
 "प्रभुवा! वासि सूड" इनजेर ऊर इत्तेर।
 येसु अडुतोर।
 यूदुल्क अदु सूडसि हीन इत्तेर,
 "वेर लाजर तुन करल माया कीतोर।"
 उनडे तोडोसा मानदि हीन इत्तेर वेर
 मयूनन सूडुलेन चोकोट कीतोर आनदूरा।
 तान साटि बहन कीसि लाजर सायुवक कियाना इनजेर।
 येसु वीचुन करुम सोनजेर वेल्ले ना राजु आतोर।
 अदु बनडते मुच्चा वीच आनदु।
 बनडतुन डग्लि कीमु इनजेर येसु वच्चन सीतोर।
 बत्ति बायि हीन जवाबु सीता,
 "प्रभुवा! वोन माति कीसि नालुंग रोचुक आता,
 वासु वानता बत्तलोय!"
 अस्के येसु नी कुन ना पोरो बरोसा मनता कि सेल्ले?
 भगवनतल बच्चे डगूर मयूनलो सूडनति इनजेर,
 नन्ना नी तसों वेह्चेर मनतोना।
 अदेन साटि ऊर बनडग डग्लि कीतेर।
 येसु तला पोरो तहिच "बाबो! ना विनति
 केनज्ति इनजेर नी कुन नावा राम राम कीनतोना।
 निम्मे बस्के गिर नावा विनति केनजनति इनजेर नाक टावा।

अदेन साटि हिक्के मंवलिर
निम्मे ना कुन रोहुति इनजेरा।
वीर कुन करेमायना! इनजेर
हीन वेहुतोना।" इनजेर इत्तोना।



वोर इव्वु गोह्णिंग वेह्चि डगूर लेंग ने;
"लाजर! बह्नी वरा!" इनजेर इत्तोर।
इद लेंग केंचि कुन लाजर बह्नी वातोर।
वोनंग काल कुन केय कुन
कपडिन संग्गा गूनडि कीसि मत्ता,
वोना मोकोम नगा गिर उनदि कपडि गूनडि कीसि मनता,
हक्के मंवलिर तर्सो येसु गूनडि
कीता पाडूड टेनडिस कुन,
वोन सोनदा सीम्टु इनजेर इत्तोर।

उनडे सूड्लेन वातेर ऊर संग्गा वेल्लेटीर
येसु कीता काम सूडसि वोन रक्षकुडु इनजेर मनतेर।

५ दुस्मन सोमल आतोरु

येसु प्रभुवुन यूदुल्क सिल्वा वाट्सि जवुक्तेरा।
वोर सासि मूनदु दिवोसुक आनेके उनडे तेत्तोर।
प्रभुनंग गोहिटने सम्दिर कुन बोदा वेहचेर मनतोर।
बत्ति सौल इंवल वोरोर येसुन
तसो मंवलिर कुन मेच्चुमडु सेल्ले,
वोर ऊर कुन सम्दिर कुन जवुकन इनजेर मत्ता।

दमस्कु चहर तगा मंवल यूदुल
वोन लासि उनदि चिट्टि लेहिकीमु इनजेर,
येरूसलेमुनगा मंवल यूदा
मत्ता डगूर लोकुर कुन पूसि कीतोर।
दमस्कु नगा तंवा दिल मत्तपु बहन
इत्तेके हाने कियुले हक मनता इनजेर
हक मंवल यूदुल कुन वेहिलेन चिट्टि येत्तोर।
वोर प्रभुन संगगा मंवलिर कुन महकेलेन पेसितोर।
वोर बायिन गिर दोह्चि ऊर कुन सिक्सा कियुलेन,
येर सल्लेमुनगा पिथिस वायन इनजेर इत्तोर।

सौल चिट्टितुन केय्दे पिथिस कुन
दमस्कु चहर ते सौले पेसितोर,
वोर अदु चहर तगा करुम वानेके
अच्चनक हाबर्तल वेल्ले डगूर वेडिच आता।
अदुवेडिच वोन सिर्मुट उजुड आनेके
अस्के वोर बोम्मित पोरो अर्तोर।



सौला सौला ना कुन बारि दोह्चि जवुकन इनती?
इनजेर इंवल उनदि लेंग केयुवल केनजुतोर।
निम्मे बोनि आनदि इनजेर सौल पूसि कीतोर?
अस्के निम्मे बोन जवुकन इनतियो बोरे
नन्ना येसुना, आनदुन इत्तोर।
अदुलेंग उनडे हीन इत्ता की निम्मे तेच्चि चहर्त रोप्पो सोन,
हक्के निम्मे बतल कीयुवलो वेहनतोर।
सौलन तर्सो पेषिसि मत्तेर ऊर रोके मातेर,
बत्ति ऊर बतय वडकुमकि ऊर निस्तो लेंग केनजुतेर।
बत्ति वडकुतोर बोरे ऊर सूडमकि।

सौल तेच्चि कड्क तेरितोर बत्ति कडकुन दिस्मकी।
 वोन संग्गा मंवलिर वोना केय
 पियिस दमस्कु रोप्पो वोतेर।
 हान मूनदु दिवोसुक वोर बतय सूडुवक मत्तोर।
 अनि बतय तिंवक बतय उंवक मत्तोर।




अदु वक्कतुन दमस्कु नगा येसुनेर सेवकल
 इंवल वोरोर अननीया
 चर्ना कीसेर प्रभुवन सूडुतोर।
 प्रभुवु वोन तसो हीन इत्तोर
 "अननीया निम्मे तेच्चि नीटम मंवल इनजेर इंवल
 सम्दिर रोप्पो यूदा रोन सोन" हक्के जर्सि
 चहर नार सौलुन लासि पूसि कीमु वोर
 इंके चर्ना केसेर पूजतगा वोर सूडुलेन
 निम्मे वोन पोरो केय्क इर्तपु
 सूडुतोर इनजेर इत्तोर।



अस्के अननीया हीन इत्तोर, प्रभुवा वोर
 येरूसलेमु नी संग्गा मंवलिर कुन तक्लिबु
 कीतोर इनजेर वेल्लेटिर नाकुन वेहतेर"
 दमस्कु नगा नी संग्गा मंवलिर कुन दोह्चि
 वाटुलेन येरूसलेमु तगा मंवल मत्ता
 डगूक लोकुर कुन डगूर कागुतु लिहिकीसि येत्तोर।
 अदेन साटि प्रभुवु हीन इत्तोर
 "वोर नावा सेवा कियुलेन नन्ना वोन अलग
 कीतोन वोन करुम सोन" वोर यूदुल
 कुन यूदुल्क आयोर ऊर कुन
 राजलिर कुन गिर नालासि वेहनतोर।
 वोर ना साटि बच्चे तिप्पल आय्वल मनतोरुय,
 वोन्क नन्ना तोहनतोन।

अस्के अननीया! प्रभुवु वेह्त्तपु
सर्कार मंवल इनजेर इंवल
सानती तगा मंवल रोतेके सोडितोर।



वोर अद्रोन,
सौल पोरों केय्क इर्सि हीन इत्तोर,
"नावोर दा दा सौला! प्रभुवु येसु ये
ना कुन नी करुम रोहुतोर चहर्त्त रोप्पो
वानेके निम्मे सूडनति वोने नी कुन उनडे
दिस्वल सीसि चोकोट्ना सक्ति नीक वायन अदु
नी कुन मद्दुतु कियाना इनजेर येसु नाक
रोहुतोर" अस्के वेय्नेने वोना कड्क नगटल
पोरोडुन दात बोम्मितगा अर्नेके
वोर उनडे सूड लेन आतोर।
वोर तेचिकुन बाप्तिस्ममु येत्तोर।
अद आतु पेज्जे जेवुन कीसि, सब्बुड आतोर।

अदु आता पेज्जे सौल प्रभुना सेव्कलिर
तसो मीरे मासि तोडोसा दिवोसुक दमस्कु नगा मत्तोर।
वोर वेल्ले जोकंग यूदुलिर चर्ना कियुवल
जागतगा सोनजि येसु भगवनता नोर
मरिं आनदूर इनजेर वोन संग्गा वेहतोर।
वोनंग गोह्तिंग केनज्वलिर सम्दिर दानद्रेमासि
वोरोर जर्सि वोरोर हीन इत्तेर की,
येरूसलेमु येसुन नम्सि मंवलिर
कुन जवुक्कल मायुनल वेर आयोर,
हो करले येसुन संग्गा मंवलिर कुन
दोह्चि सिक्सा कियुले येरूसलेमु वोयुवले वासि मत्तोर।
वोर वेर आनदूर।
बत्ति सौल कास्कीसि बोदा वेह्चेर मनतोर।
भगवनतल वायिदा कीता पिसुस्वाल येसु इनजेर,
यूदुल कुन मुक्कबिल्लि कीतोर।
बोर्गिर वोन तसो तेरिस्वल किय्वल सेल्ले।

६ माया इत्तेके

सौल इवल वोन पौल इनजेर गिर केय्दिर।

वोर गिर तोत्ता क्रैसुतवुल कुन, तोडोसा कारटुक लेहि कीतोर।

अवेक्र रोप्पो उनदि कारटु नगा माया

इत्तेके बतल इनजेर सिरिसिल्ला वाले लेहि कीतोर।

नन्ना वेल्ले गोह्ण्टग वडकवच्चो। देवा दूतलिरा गोह्ण्टग गिर किय्यवच्चो।

बत्ति दुसुरोन दय्या कियुवक सोत्तेके

नावा गोह्ण्ट वट्टि आगव वड्कवले आनता।

नन्ना चोकोट बोदा सियुवच्चु, ना कुन सम्दि गोह्ण्टग

करेमाया वच्चु, सम्दि अदु रोन मरम मंवलिक

गोह्ण्टग वोडके मायवच्चु, गुट्टतुन वोह्ले विसुवसु मनदवच्चु,

बत्ति नाक्र दुसुरोन पोरो दय्या सेल्वा सोत्तेके

नन्ना बतय काम नोर आयोन।

नन्ना सावु मयूनन दात मनजी नाह्णगमनता

सम्दितुन दुसुरोन सियुवच्चु डुनडुसुले ना

कुन नन्नये अप्पगिंचा वच्चु बत्ति दुसुरोन

पोरो दया सेल्वक सोत्तेके नन्ना कीता


कामुन हिनदक नाक बतय पाय्दा सेल्ले,



दुसुरोर माया किव्वल मयूनल दया सब्बर्ते मदनतोर।
वोन्क दुसुमान गर्वा मंतो, वोर बस्केट
गिर दुसुरोना (तक्लिब कुन) आसरा कीनतोर।
पक्का दुसुरोन आयुवलिक्र लासि सोंचि कीनतोर।
वोर मयूनल सोड आयोर दुसुरोर
तनकुन कराबु काम कीतेके जोक जोक हेतु कीयोर।
दुसुरोर माया कीनतोर वोर, वोर
गलती कीतेके वोर नाराजु आनतोर।
चोकोट्ना काम कीतेके कुसि आनतोर।
वोर ऊर कुन दया कियुवल मरुड्तोर।
ऊर कुन बस्केट नम्मनतोर।
ऊर कुन लासि सब्बर्ते मदनतोर।
दया बस्केट मंवल आनदु।

इंके तोडोसा लोकर बोदा वेहुवलिर मनतेर,
वेय्नेने वोर वेहुवल बनदु कीतोर।
पूना विचार तोडो वडुक्कलिर तोडा बोहो मनतेर।
वेय्नेने ऊर्गिर हान वडुक्कल बनदु आनतेर।
वेल्लेने विसयंक करेमातेर ऊर मनतेर।
ऊर कुन करेमातंग अवेकुन वेय्नेने मरुडातेर।
भगवनतल मा कुन वेल्लेने विसयम करे मायुले,
चोकोट्ना बोदा वेहिले शक्ति सीतोर।
बत्ति अवेकुन रोप्पो बद्दे उनदि कम्मि मनता।


भगवनतल वेय्नेने सम्दितुन चोकोट कीनतोर।
 अद वक्कतु वानेके आयुवक सोनजि मनता
 अव सम्दि दिस्वक सोडियानता नन्ना चुडूर
 मंनेके चुडुक कानडिर दातु वडुक्तोन
 चुडुकुन दातु दया कीसि मत्तोन।
 इंके नन्ना डगूर आसिकुन चुडुक
 कानडिर कीतंग अवेकुन किय्वल बनदु कीतोन।



इंके मरट आर्सतगा सूडुतपु सूडुसेर मनतोन।
 अदु चोकोट सापु सेल्ले ऊर तोडो वोरोर
 मोकाबिला सूडुवल वकुत वानेके
 सम्दि कुल्ला सापु सूडनतोम।
 इंके ना कुन सम्दि टावुक सेल्ले,
 भगवनतन नावा सम्दि टावा हाने नन्ना
 गिर भगवनतना पूना दुनियत
 रोप्पो सम्दि वोडके मनतोन।
 अस्के विसुवसु बरोसा दयये अदेन
 लासि मिरटु दया कियुले कोसिसु कीसेर मनटु।

७ करल मतमु


येसुन तसो मंवल याकोबुना केय्दे
लिहिकीता तोत्ता क्रैस्तवुलिर कुन रोहता,
कारटुनगा इद उनदि बागमु आनद।
नावा जीवतुन बारा बर मंवल सोप्तलिर इदु हेतु इरटु।
बद्दे सोंचि किय्वक गोह्तिंग किय्वल
वेय्नेने सोडुन वायुवल सुट्टिकीसि,
वेहुता केनजेलेन हर मायुनल करियाना।
मिरट चोकोट कियाना इनजेर भगवनतल सूडुसेर मनतोर।
सोडुने मत्तेके मिरटु चोकोट कामुक किय्वटु,
अदेन साटि कराब आदतुन सुट्टि कीसि,
कराबु कामुक कियुलेन बनद आम्टु।
भगवनतन मुंने चुडूर आसिकुन वोर
मी साटि बतल कियाना इनजेर आसा कीनतोर,
मिरटु अवेकुन कीम्टु।
भगवनतना गोह्तिंग मीकुन पेर्सा पान्तगा
मनजी मीकुन पूना पिस्माड सीता।
इव्वु गोह्तिंग मीकुन तोल्लेने टावुक मनता
हर वक्कतुन नगा भगवनतना गोह्तिटुन पिथिस ताका!
मिरटु निस्तो केनजवलिर मात्रमु
आतेके मिरटु डोकतगा इरनतिटु।
भगवनतना गोह्तिटुन केनजुवक, अवेकुन
पिथिस ताक्केके मंवल मय्न्ल आर्सतगा
तंवा मोक्कोमुन सूडुवल मय्न्न दात आनतिटु।
वोर तंवा मोक्कमुन सूडसिकुन हब्रि
सोनजिकुन तान बहन मनतोरो अद वोर मर्डन्तोर।



बोरे आयि भगवनतना पुस्तक नगा
 लेहिकीसि मनता गोष्टितुन चोकोट वाचि कीसि,
 भगवनतल वेहता गोष्टितुन माने मासि, वोर
 कीयुवलिक कामुकुन रोप्पो वोर
 भगवनतना आसीर्वाद येतनतोर।

बारि इत्तेके भगवनतना बोदा
 माय्नुलिर्कुन पूरो अदिकार सीनता।
 वोरोर तान बय्चोकोटु मय्नुल
 इनजेर वेहचेर आगव गोष्टिंग कीसेर मत्तेके,
 वोर तंवतुन ताने डोकतगा अडुसेर मनतोर।
 वोना मतम बद्देने कामु सियो गरीबु रानडे
 बायिन्क बेय्ये बाबलिर सेल्लेर ऊर्कुन वोर
 मद्दतु कीनतोर बोरे भगवनतना
 दिल्त पोरो करल मतम नोर आनदूर।

इदु दुनियतु रोप्पो कराबु कीयुवलिक
 गोहिंग तनक कराबु कियुवलिर
 कुन दातु वोन बदले माया सियोर।
 नावा जीवते मंवल सोसलिर इंकेने मिरटु।
 मा वोर डगूर येसु क्रिस्तुन नमित्तु
 अदेन साटि मयूनलिर केर्वलिक कपडिन हिनदक,
 आयि सेल्लेते ऊर कुन मत्ता
 पेयूसत हिनदक आयि मान इर मटु।



बहन इत्तेके मिरटु भगवनतना स्मरन
 कीयले मीरे मंनेके इव्वीर मयूनलिर
 रोप्पो सोत्तेर इनजेर सोंचि कीनतटु।
 वोर रोप्पो वातोर चोकोट्णंग कपडिंग
 केर्सि सोनेता मुद्दा केर्सि मनतोर।

दुस्रो वोर सर्तंग कपडिंग केसिकुन वातोर,
 वोर बय गरीबु आनदूर।
 निम्मे डगूर मयूनना मान इसि
 वोन उदेले चोकोट जागा तोह्चि।
 गरीबु मयूनन उदिलेन गिर
 जागतोहुवक वोन बूडु उदा इनजेर वेहितेके,
 मिरटु मयूनलिर कुन ऊरंग केरुतंग
 कपडिन हिनदक अनि ऊरा मत्ता पेयूसत
 हिनदल मान कीसेर मनतिटु।
 हान कियुवल गल्लि आनदु।
 नावा जीवते मंवल सोमलिर केनजटु
 भगवनतल तान नम्मिस मंले तंनो वोन
 दातु मंले गरीबु लोकुर कुन चुनाव कीतोर।
 भगवनतल तान्क माया कियुवलिर
 कुन कीता वायिदा इहे आनदु।
 बत्ति मिरटु गरीबु लोकुर कुन अनमान कीसेर मनतिटु।
 मीकुन अनमान कियुवलिर कुन मी पोर्रो
 कटिन ते मनजी मिरटु गल्लि कियुवक
 मत्तेगिर मी कुन जेल्तगा उम्मिस वोयुवलिर,
 बोर इत्तेके कोत्तंग मंवलिर
 इनजेर मिरटु वोडके मनटु।
 वोरे मी लासि कराबु गोह्चिंग वेह्चि,
 भगवनतल मी कुन सीता चोकोटना पोरोल कराबु कीनतेर।

दय्वा पेर्सा पुसुतक नगा उनदि
 हुकुम लेहि कीसि मनता अदु बतल इत्तेके,
 नी कुन निम्मे माया कीतपु नीवोर
 सोप्तन गिर माया कियाना इनजेर इंवल आनदु।
 भगवनतल इदु हुकुम मी कुन सीतोर।
 अदेन मिरटु मापु कीसि मत्तेके
 चोकोट्ना तरिकते तिरिवलिर आनतिटु।
 मयूनलिर केर्वल कपडिता हिनदक आयि
 ऊरंग कोत्तन हिनदक आयि वोर्कु
 मापि कीतेके निम्मे पापम कीतपु आनति।
 भगवनतना हुकुम प्रकार सिक्सा सियुवले
 मिरट भगुवनतना हुकुम नगा
 बद्दे उनदि हुकुम गिर कियुवक सोत्तेके,
 सम्दि हुकुम कुन सुटिकीतपु आनता।
 भगवनतल तंवा हुकुमुन हिनदक तप्वक कीनतोर।
 अदेन लासि नीवा गोह्ण्टग कीय्वडुगा निम्मे नी
 कुन माया कीतपु नी वोर सोप्ति दारन
 गिर माया कियाना इदु सम्दिर
 मयूनलिर कुन ऊरा राज्यम
 सिय्ये भगवनतना हुकुम आनदु।
 दुस्रोण पोरोँ दया तोहुर, ऊर
 पोरोँ भगवनतल गिर दया तोहुर,
 दुस्रोण रोट पोरोँ दया तोहुरलीर
 ऊर भगवनतना शिक्षतुन लासि वेरिंवल सेल्ले।

Good News For You

New Reader Portion – Book 4
Southern Gondi (Telugu)

90A 1608/2007/5M

ISBN A40 GONT 050 (Vol 4)

ISBN A90 GONT 035 (Set)

Published by:

The Bible Society of India
206 Mahatma Gandhi Road
Bangalore – 560 001